

بتولد من تانى

الناشر



أفاتار للطباعة والنشر

الكتاب: بتولد من تانى

المؤلف: وائل العجواني

النوع: شعر

الطبعة الأولى: 2019

عدد الصفحات: \*\*

القطع: 14.8 x 21

رئيس مجلس الإدارة

د. زينب أبوسنة

الغلاف والتصميم الداخلي

أفاتار

دار أفاتار للطباعة والنشر

أبراج المهندسين - كورنيش النيل

المعادي - الدور 17 شقة (3)

تليفون: 01271131980 (002)

z.a.senna@hotmail.com

جميع حقوق النشر محفوظة

حتى أكتوبر 2021

رقم الإيداع بدار الكتب المصرية: \*\* / 2019

# بتولد من تانى

للشاعر الفنائى

وائل العجوانى



2019



الاهراء

اتواعدنا نعيش لبعض

ماحننا روحنا ياناس ف بعض

مش بايدى .. ومش بايدها

ماحننا عايشين جوه بعض

وائل العجوانى



## بتولد من تانى

مع كل جرح ..  
أنا بتولد من تانى  
مين اللى قال  
للجرح يتحدانى؟

\*\*\*

شربت ياما من كاساتك ياوجع  
كل أما قلبى يقع  
يرجع يقف من تانى

\*\*\*

مين اللى قال ..  
للجرح يتحدانى؟

\*\*\*

مين اللى قال الدموع

بتطفئ نار الشموع

مين اللى قال ..

إن الزمان

على قسوته .. قسانى؟

\*\*\*

على كل جرح بفوت

بعيش وهو يموت

مخدش منى الجرح

بالعكس .. ياما أذانى

\*\*\*

مين اللى قال

للجرح يتحدانى؟!

\*\*\*



## جوه بعض

إتواعدنا نعيش لبعض  
ما احنا روحنا ياناس ف بعض  
مش بايدي .. ومش بايدها  
محنا عايشين جوه بعض

\*\*\*

فى اللقى .. بنقول سلام  
فى الوداع .. بنقول سلام  
عمر ما خالص الكلام  
ولا يوم غاب عننا وعد

\*\*\*

محنا عايشين جوه بعض

\*\*\*

قلب عايش جوه قلب

حبنا مش أى حب

حب بيقترب ما بيننا

مهما كان القرب صعب

والزمن لهوانا ضد

\*\*\*

محنا عايشين جوّه بعض

\*\*\*

## ع المبدأ

فى كل مرة كان خصامنا بينتهى  
من قبل ما يبدأ ..

بس النوبة دى خصامنا مش عادى  
أصل النوبة دى خصامنا ع المبدأ

\*\*\*

فى كل مرة كنا نتساهل  
ونرجع أقوى م الأول  
بس النوبة دى الجرح جؤانا  
باينله هيطول

\*\*\*

مانتش فاهمنى ولا فاهمك  
وواضح إن جد جديد  
وكل ما اجيلك أشرحلك وأوضحلك

بحسك بردوا عنى بعيد  
وبستغرب وأقول إزاي  
يهون الحب مهما كان؟  
وأجيلك من تانى أشرحلك ..  
وأوضحلك ..  
لكن ملقاش غير الحرمان!

\*\*\*

## ضميرى مرتاح

ضميرى مرتاح..

عشان طيب

وعمرى ماجيت

ف ييوم على حد

بوش واحد

مليش وشين

وعمرى ما كنت..

بين البين

ودوغرى وجد

وعمرى ف ييوم

ما خنت العهد

عشان كده..

ضميرى مرتاح

\*\*\*

بحب الناس ..

ورب الناس

وعزة نفسى

فوق الراس

وحر بطبعى .. كلمتى سيف

على رقبتى

وقلبى نضيف

وزى الورد

عمره ف يوم

ما دخله الحقد

عشان كده

ضميرى مرتاح

\*\*\*

وشفت كتير

من الدنيا

فى شر وخير

لكن ولا مرة بتغير  
ثابت دائماً على مبادئى  
وقلبى زى قلب الطير  
عشان كده..  
ضميرى مرتاح

\*\*\*

## عِشْرَة سِنِين

بيقولوا : ليه شكك حزين  
دا مكنشى حالك من سنين ..؟

- زعلان عليها

ولأ ندمان ع الهوى ؟

- ندمان ع اللي هانت عليه

عِشْرَة سِنِين؟!!

\*\*\*

بسكت وأخبى الجرح جوايا

وبردوا الجرح باين

بكذب .. وأقول دى حكايتا ونستها

ومين يبقى على حبيبه

مادام خاين؟!!

\*\*\*



تعدى إيام ولا بنسأه  
ولسه بعيش وأموت ف هواه  
ولو بايدياً إنى أنسأه  
أنا من بدرى ..  
كنت نسيت  
سنين ف الجنة عشت معاه  
ويا ما بقربه أنا اتهنيت  
بلاش تلومونى على جرحى ..  
أنا مش حمل لوم وحنين

\*\*\*

- زعلان عليها ..  
ولاً ندمان ع الهوى؟  
- زعلان وندمان ..  
ع اللى باع أجمل سنين؟!

\*\*\*

## دايرة الحيرة

دخلنا ف دايرة الحيرة

عرفنا الشك والحرمان

وكل لحظة والتانية

نقول ياريت ..

هوانا ما كان

\*\*\*

بعدنا كثير .. مقربناش

ورحنا بعيد .. ومرجعناش

وكل ما نحكى نتحسر

على الحب اللي راح ببلاش

\*\*\*

إيديك فى إيدياً

لكن فيه ..

وجع صعب العيون تداريه  
بقينا أغراب على روحنا  
وشوقنا ضباب وماشيين فيه

\*\*\*

دخلنا ف دايرة الحيرة  
خدتنا لدايرة النسيان  
وكل لحظة والتانية  
نقول فيها .. ليالى زمان؟

\*\*\*

ودا علشان ..

أنا وانت ..

قسينا كتير على قلوبنا  
وبعنا الفرح للأحزان!

\*\*\*

## شنة ذكرياتى

مليانة شنة ذكرياتى

بألف جرح .. وألف آه

مفضلشى فيها مكان يساغ

أوجاع جديدة ..

من الحياه

\*\*\*

غدر .. اتغدر بى

دمع .. وملى عنيبى

واللى فاضل لى ..

حلم وياريت ..

بعد العذاب ألقاه!

\*\*\*

وعشان مكونشى مكبر الموضوع أوى

كده زى كتأب الدراما

أنا كنت فيكى يادنيا دايمأ

بغلب دموعى .. بابتسامه

\*\*\*

تعبان .. لكن صابر

مغلوب .. لكن قادر

وان غصب عنى اشتكيت

ظلمك ..

دام النادر

\*\*\*

لكن النهاردة .. خلاص

ع الصبر .. مش قادر

ع الظلم .. مش قادر

من كتر ما اتحملت ..

وسكت ..

مش قادر

\*\*\*

غدر .. اتغدر بي

دمع .. وملى عنى

واللى فاضل لى

حلم وياريت

بعد العذاب .. ألقاه

\*\*\*

لساكى بتبيعى ..؟

وترخصى دموعى ..

كفاياكى بقى حسى

حزنك .. ملى ضلوعى

\*\*\*

## قلبي ولا قلبك؟!

دا قلبي ولا قلبك؟

أرجوك جاوب سؤالي

من كتر ما أنا بحبك

شايفك على طول قبالي

\*\*\*

حنانك هوّه .. حنانى

غرامك .. مخلوق عشانى

وقبل ما تقول : بحبك

بلاقيها على طرف لسانى

\*\*\*

دا قلبي ولا قلبك

أرجوك جاوب سؤالي

\*\*\*

فى هوانا بقيينا واحد  
وعلينا الدمع شاهد  
محناش قادرين نعاند  
م القلب معدشى خالى

\*\*\*

دا قلبى ولأ قلبك  
أرجوك جاوب سؤالى؟

\*\*\*



## حاجات حلوة

حاجات حلوة ف حياتنا حرام

تروح منّا مع الأيام

وحب كبير نفرط فيه

ويسهر دمعنا ما ينام

\*\*\*

بتدينا الحياة ياما

فرص حلوة وناس حلويين

بنجرحهم .. وبنسبهم

ونفضل ف الندم عايشين

\*\*\*

وفجأة بنلقى دنيتنا ..

بقت ضلمت

نحس ساعتها إن إحنا

محافظناش على النعمت

حاجات حلوة كانت من ثانيته

ف إيدينا

وكان لازم نشيلها

جوّه ف عنينا

على أيه بس نتندّم..

ياريت ف الجاى نتعلم

\*\*\*

حاجات حلوة

\*\*\*

## قبل ما تطفى النور وتنامى

قبل ما تطفى النور وتنامى  
إياكى تنسى ف لحظة غرامى  
وتخونى المواعيد  
قبل ما تدخل ف الأحلام  
إوعى غرامنا ف لحظة بينام  
مهما أنا كنت بعيد

\*\*\*

إوعى تخونى لو بخيالك  
أنا علطول جنبك وقبالك  
عمرى ما كنت بعيد  
مهما زعلنا ..  
أنا روحى فداكى  
مهما جرحتينى بتمناكى

وحيك ماله حدود

\*\*\*

الى ما بينى وبينك أصله

إحساس إنتى فروعه وأصله

وأنا وإنتى يا حبيبتى روحين

بقى م الصعب حقيقى ينفصلوا

مهما اتأخرت المواعيد

\*\*\*

## صورتك

باخذ صورتك ..

فى حضن عنيي

واشكيلها

ومن حيرتى .. ومن وجعى

بكلّمها

تريحنى .. وتحكىلى

واحسّها عايزة تشكىلى

أغمض عينى وأحضنها

\*\*\*

تقولى وأقولها ونسهر

لحد الصبح نتعاتب

مفيش مغلوب .. مفيش غالب

لقانا وبعدنا .. مقدّر

\*\*\*

سنين عشنا أنا وانتَ سوا  
ف أحلى غرام.. وأحلى هوى  
ما فاضل منه غير صورة  
تداوى جراح ماليها دوى

\*\*\*

## حقيقتى

الحقيقة إنك حقيقتى  
قبل ما تكونى حبيبتى  
مش هتهرب من قدرنا  
أنا منك .. منى إنتى

\*\*\*

مهما نبعده .. مش هننسى  
مهما ننسى .. مش هننسى  
فيه حاجات صعب نعاندها  
نفس حيرتك .. نفس حيرتى

\*\*\*

ياما حاولوا يفرقونا  
أتاريهم بيقرّبونا  
دقة القلب اللى فى  
هى دقة قلبك إنتى

\*\*\*

## ليلتين

العمر ويا عنيك لحظة  
واللحظة لَمَا تسبني .. سنين  
قولى أعمل أياه لَمَا تسبني  
مش لحظة .. لأ .. ليلة وليلتين؟!

\*\*\*

يصعب على قلبى عتابك  
وانت معايا ومش حاسس  
بعذابى دايب ف عذابك  
يصعب على قلبى تبغنى  
وأنا دمعى واقف  
على بابك  
يصعب علىّ مكونشى ف يوم  
أول وآخر أحبابك



تجرحنى ليه

وأنا بيك مجنون

\*\*\*

ليلتين كده بعد .. وعادى!

والبعد سيف بيشق الروح

إرحمنى ياللى هواك زادى

مش حمل أنا هجر ولا جروح

\*\*\*

من غير عنيك ..

عايش مسكين!

\*\*\*

## قبل ما أمشى

عندى كلمتا قبل ما أمشى  
 نفسى أقولها لك .. وأمشى  
 ياللى حبك ضى عيني  
 وضل رمشى  
 نفسى أقولك ليه تبعنى  
 وانت جوايا بتمشى؟!

\*\*\*

إنت فاكر إن بعدك  
 قلبى ممكن تانى يعشق؟  
 إنت خدت كل حاجة جوه منى  
 خدت حتى قلبى منى  
 مستحيل الشمس بعدك  
 تانى تشرق!

\*\*\*

كلمة واحدة بس نفسى  
نفسى أقولها قبل ما أمشى  
ليه غدرت بلحظة قلبى  
ذنبه أيه ..؟ ..  
لما منك ينحرم قلبى؟  
ولاً أيه يا حبيبي ذنبى؟  
إنت فاكر إنك إنت عندي حب ..؟  
لا ياروحى ..  
دا أنت كل حبايبي!  
\*\*\*

## إوعى تحن ليها

كذبْت عيني .. وقولت صعب أهون عليها  
 وأتارينى هونت وشفْت خيانتها ف عنيتها  
 كان كل يوم بيان لى كذب كتير وأذارى  
 وأقول أكيد هتحس بغرامى ونارى  
 لو كنت قلبى يا قلبى إوعى تحن ليها!

\*\*\*

بان كل شىء قدام عنيك  
 والغدر واضح  
 تعمل بريئة ما بين إيديك  
 ترجع تصالح  
 وتسلم القلب لإيديها  
 لو كنت قلبى يا قلبى إوعى تحن ليها

\*\*\*

سايبها ليه ..  
فيك تشتري وتبيع  
وليه ع الظلم ساكت؟  
طمعتها بطيبتك ..  
خلاص ..  
مشاعرها ماتت  
مش دى ياقلبي اللى إنت تبكى  
ف يوم عليها ..  
لو كنت قلبى ياقلبي إوعى تحن ليها!

\*\*\*

## صوتها

لصوتها فى الضلوع ضمّتا

تخدنى بعيد

دا صوتها مش كلام عادى

دا فيه مزيكا بتجدد ليالى العيد

ولو تسكت..

أنا ومشاعرى نترجى

شفايفها..

تقول وتعيد

دا صوتها مش كلام عادى

دا فيه مزيكا بتجدد

لياالى العيد

\*\*\*

ياقلبى فين تروح..؟

وهى الروح

جمال ودلال وخفتة دم ومشاعر

معاها القلب طوالى

كتاب مفتوح

\*\*\*

دا صوت بيخدننى للجنة

وفيه كل اللي بتمنى

حياه وأمل وفرح وآه

حنان موصوف لقلبي وآه

أنا عنه ما بستغنى

\*\*\*

ملك قلبي وملك الروح

دا صوت بيداوى كل جروح

معاها قلبي كتاب مفتوح

وفيه أكثر ما بتمنى

\*\*\*

## أيه تساوى الدنيا دى؟

كل لحظة إيديك

مبتكونشى فى إيدى

أيه تساوى الدنيا دى؟

كل شىء لو كان فى إيدى

وانت إيدك مش فى إيدى

دمعى بيصاحب عيني

\*\*\*

إنت وحدك لو معايا

بلقى كل الكون معايا

تسوى آيه الدنيا

لما تغيب على؟

\*\*\*

كل حاجة معاك



بتبقى حاجة تانية  
ضحكتك دى تساوى دنيا  
لمستك ..  
دى حكاية تانية

\*\*\*

خلينى معاك للنهاية  
ما أنت حلمى من البداية  
لو هعيش من غير عنيك  
أيه تساوى الدنيا دى؟

\*\*\*

## فيكى حاجة

فيكى حاجة..

صعب ألقبها إلا فيكى

حاجة بتخلينى دائماً

ببقى محتاج أبقى ليكى

\*\*\*

مش جمال..

م الحسنى ياما..

من هنا ليوم القيامة

فيكى شىء.. نادر حقيقى

شىء يخلى الدنيا جنة

لما تحضنها عنيكى

\*\*\*

طعم حبك.. طعم تانى

طعم بالإحساس ملانى  
مين غيرك يقدر يخذنى؟  
لو دقائق .. لو ثوانى  
مين غيرك .. أنا حد تانى  
حد تايه عن كيانى  
قلبي عمره ف يوم ما سلم  
كل دقائقه إلا ليكى

\*\*\*

فيكى حاجتى

\*\*\*

## استنى

رايح فين وسايينى .. استنى  
صعب أعيش بعديك  
كل الدنيا حبيبي ف كفتا  
والروح منك ليك  
منك مش بستكفى  
أنا دائماً ..  
دايماً محتاج ليك

\*\*\*

دا أنت الدنيا وكل الناس  
وانت اللي بتملئ الإحساس  
مهما بتقسى حبيبي على  
بسهر أفكر فيك

\*\*\*

رايح فين يا حبيبي استنى

دا الروح ملك إيديك

\*\*\*

اللى ما بيننا ما هوش هوى عادى

ويا الوقت يروح

كل مافئ عليك بينادى

كل مافئ جروح

إنت مالكنى حبيبي بحالى

قلبي وعقلي ملكت .. استنى

ياللى ملكت الروح

\*\*\*

رايح فين وأنا دايمًا سابقك

بمشاعرى واحساسى

أنا مش هقدر أعيش لو قلبك

فاتنى فى بعدك أفاسى  
رايح فين يا حبيبي استنى  
دنا جنتى ف عنيك

\*\*\*

## طريق مسدود

مكنشى حبنا مقصود

مكنشى بعدنا مقصود

وأتارى أنا وانت سوا ماشين ..

ومش عارفين ..

بأن طريقنا م الأول

وم الآخر

طريق مسدود

\*\*\*

يعيش الحب ولا يموت؟

يموت إزاي ومليون صوت

فى قلبى وقلبك اتواعدوا

يعيش الحب من غير صوت

\*\*\*

مفكرناش ساعة ما عشقنا

فين رايحين

لقينا الدنيا فاردنا جناحاتها

ووخدانا لأحلى حنين

وصدقنا مشاعرنا

ولا كدبنا أى وعود

وأتارى طريقنا م الأول

وم الآخر

طريق مسدود

\*\*\*

ودلوقتى .. أقولك أيه ..؟

تقولى أيه ..؟

وأيه ف إدينا

غير الوعد والمكتوب

سنين ماشيين ف سكتنا



ومش عارفين ..  
بأن الحب فى الأول وفى الآخر  
علينا مكتوب  
وأتارى فى حزن مشاعرنا  
ألم وقيود  
وم الأول .. وم الآخر  
طريقنا كان ..  
طريق مسدود!

\*\*\*

## أناى

أناى وقلت أیه یعنی  
بحبه وکلى حنیة  
ویاما غلبت أفهم فيه  
وأقوله الحب تضحیة  
أضحى .. وهوه ما یضحیش  
وضحى الیوم .. لكن بئى

\*\*\*

یهد ف قلبی .. وأبنیله  
.. یبکینى .. وأغنیله  
سینن ویاه .. دايب ف هواه  
وراضى منه بقليله  
ویاما کتبت له بدمعى ..  
ألف بیه حب .. تضحیة

أضحى وهو ما يضحى  
وضحى اليوم .. لكن بئ

\*\*\*

وندمان ولأ مش ندمان  
مضى الحالتين .. أنا خسران  
وأنا ف قربه ..  
وأنا ف بعده ..

بنام وأضحى على الحرمان  
ويا ما كتبت له بدمعى  
ألف بيه حب .. تضحيت  
أضحى وهو ما يضحى  
وضحى اليوم .. لكن بئ

\*\*\*

## أموره

من ألف ليلة وليلة جمالها

العين شافتها .. وقلبي نادها

وقبل ما اتجرأ وأسألها

إنتى اسمك أيه ..؟

جاوبت عنيي ..

دى أمورة

\*\*\*

دى قمر وبحر وليل عايم

على موج فرح

وغرام دايم

أنا صاحى واللاً ..

ياناس نايم

دنا روى صبحت

مسحورة

أمورة.. أمورة

\*\*\*

قلتلها ممكن نتعرف؟

قالتي بص ف عيني تعرف

أنا مين ومين ف هواه خدنى

لقتها ف عيني أميرة

لألف ليلة بتخدنى

وان دابت الروح

معدورة

أمورة.. أمورة

\*\*\*

## لَمْسَتِكَ

إلمسنى محتاج لمستك

دوْبنى ف بحور رقتك

خلينى أنسى الحزن معاك

وأغسل جراحى ف ضحكتك

\*\*\*

دنا بتولد ف عنيك من تانى

دنا كنت قبلك مش موجود

قبل أما أدوق حنيتك

من لمسه واحدة صالحنى زمانى

واتحققت للقلب أمانى

أجمل ما فيها لمستك

\*\*\*

إلمسنى

## ليلة واحدة

ليلة واحدة من لياليك ..

تكفينى

ساعة واحدة ويأ عنيك

تحيينى

عطشان وميتى بس معاك

وميتة الدنيا ..

ما تروينى

\*\*\*

القلب له أحكام صعبت

والحب عمره ما كان لعبت

من غير عنيك أيامى صعبت

وانت الوحيد اللى بترضينى

\*\*\*

دنا لَمَّا بفتكر الماضى  
بحس كل الجاى فاضى  
أيامى بعدك .. مش لى  
وأيامى قبلك .. تسليت  
ياللى معاك كل الدنيا  
واحياة هواك .. ما تبكىنى

\*\*\*



## أكبر وجع

وجع الفراق والإشتياق وجعين

لكن أكبر وجع ..

إنك تكون جنبى ..

ومش حاسس

بقلبي اللي اتوجع!

\*\*\*

جايز يكون البعد

ترياق للوجع

بس اللي أصعب م البعاد

لمأ تكون جنبى

ومن نظرى بتقع

\*\*\*

فَرَطْتُ لِيهِ فَيَّ ..  
وهان الحب ليه ف عنيك؟  
مَدَّيتْ أَنَا إِيْدِيَّ  
ولأ مرة فتحت إيديك  
جايز يكون إخلاصى  
رَخَّصْنِي وهونت عليك  
لكن اللى أصعب م الخيانة  
لَمَّا تَكُون جَنْبِي ..  
وما اشوفشى اللففة  
ماليّة عنيك  
وأحس خيط القلب  
بإيديك اتقطع!

\*\*\*

## أنا عاذرك

طبعاً دلوقتى ..

أكيد بتقولى إن أنا غدار

وإنى محبتشى ..

وكنت عايشها

هزارف هزار

أنا عاذرك .. لوقلتى أكثر

مجروحة .. وجرحى أنا أكبر

وياريت بأدياً أختار

\*\*\*

أنا مش جايلك دلوقتى ..

عشان أهديكى بأى كلام

أنا عارف إننى ظلمتك ..

واستسلمت .. وبعث أوام

لكن واحياة ليالينا  
 وحب زمان .. وليالى زمان  
 أنا عايشك كل دقيقة ولحظة  
 وعمرى ما حنيت للنسيان

\*\*\*

لكن مش دايماً  
 كل اللى بنهواه  
 بنعيش ويأه  
 فى ساعات الدنيا .. تكون أقوى  
 وساعات أيامنا .. بتستقوى  
 بالجرح نعيش ..  
 ولا نلقى دواه

\*\*\*

أنا عاذرك لو قلتى أكثر  
 مجروحة .. وجرحى أنا أكبر  
 وياريت بإيدى أختار

\*\*\*

## هاى .. باى .. باى

محدث شافنى من جوّه

أنا واحد مع الأيام

كبر ضعفوا .. انقلب قوّة

وشوش حكاويها ..

هاى .. باى .. باى

وناس عايشاها من برّه

\*\*\*

محدث مرة مد إيديه

لقلبي وهوه شايفتا غريق

وأحكى أياه .. وأقول أنا أياه؟

وشوش عايشاها

هاى .. باى .. باى

ووقت الضيق ..

مبلقاش إلا دمعى صديق

وناس بتبعنى ميت مرة

\*\*\*

أنا م وجراحي تتكلم

ف ضهرى الكل ييتكلم

محدث شافنى من جوّه

محدث مرة مدّ ايديه

وأنا من جرحى بتألم

وشوش عايشاها ..

هاى .. باى .. باى

ولا حستنى بالمرّة!

\*\*\*

## الذكريات

وبفتكر أيام حبك  
وأنا ويا قلبك بتهنى  
وبقول ياريت كان حبي معاك  
طول .. وكان فرحى استنى  
إحساسى من يوم ما فارقتك  
إحساس آدم .. فارق الجنة

\*\*\*

فاضلة الصور .. فاضلة الحكايات  
والذكريات .. مواويل وأهات  
دول همأ عندى سنين عمرى  
واللى بقيلى من الأوقات  
برجعلهم وبعيش تانى  
وياك .. فى حضن الذكريات

\*\*\*

ماشى النهاردة وبالصدفت  
أنا شفت حد بيشبهلك  
معرفشى ليه حسيته انت  
ونديت عليه .. قصدى أندهلك  
هو الحنين ليك .. ليه جبار؟  
على طول كده .. ليه مشتاقك؟

\*\*\*



## اسمى من اسمك

اسمى من اسمك متكوّن

شكلى من شكلك متلوّن

وازاي الطير..

من غير جناحات

هيطير فى سماه؟

وازاي العاشق

يوم يقدر

ينسى اللي هواه

ولاً يخون؟

\*\*\*

اسمى من اسمك متكوّن

\*\*\*

أنا وانت حبيبتى

روح واحدة

وجسد واحد

ولا ممكن يوم

راح نتفرق

مهما نعااند

ولا ممكن ع الهوى

نتلون

\*\*\*

اسمى من اسمك متكون

\*\*\*

تسيينى إزاي ..

واللأ أسيبك

ما انتى حبيبتى

وأنا حبيبك



## ساعات

ساعات الحب ييجى بدرى  
وأوقات ييجى متأخر ..  
ومين فينا اللي داب فى الحب  
ومتماش يدوب أكثر؟

\*\*\*

وطول العمر نستنى  
حبيب نظرة عنيه جنتا  
من أول لحظة بندوب فيه  
ونلقى للحياة معنى

\*\*\*

وطول العمر بندور  
على الحب ولا بنلقاه  
ولو صادف وقابلناه

بيحلالنا العذاب ويّاه

\*\*\*

ومين فينا اللي ما تندم..؟

على فرصة غرام راحت

كتير بالدمع نتكلم

وعمر دموعنا ما ارتاحت

\*\*\*

## تريقة

هوه كان جرى أيه بقى  
لجل ينسانى أوام؟  
فات كده شهرين بقى  
وانت مستحلى الخصام

\*\*\*

حب أيه ..  
مبقاش فى حب  
دا اللى يقدر ع الفراق  
يبقى كان واخدها لعب  
ولا يمكن تريقتة؟!

\*\*\*

وببساطة بقى فيه جديد  
أيوا لازم فيه جديد

دا اللى قلبه كان رقيق

بقى أفسى من الحديد

الغلط على أنا

إنى عشت مصدقته؟!

\*\*\*

## ياريت ينفع؟

عايزنى أرجع..؟

عشان ترجع..

تهين لى مشاعرى من تانى

وتتسلى بأحزانى

ياريت ينفع..

ياريت ينفع..

\*\*\*

صبرت عليك.. ودا آخرى

ومش هرجع ودا آخرى

حرام الباقى من عمرى

يضيع ويأك

ومش هرضى انخدع تانى

ولا أديك قلبى ياجانى



خلاص خلصت

حكايتى معاك

\*\*\*

ولو فى البعد .. بتقطع

محال أحن إليك .. وأرجع

محال تانى الحنان يرجع

ياريت ينفع ..

ياريت ينفع!

\*\*\*

## مجاش على خاطرک؟

واخذ على خاطرک؟

واللاً هوانا مجاش على خاطرک؟

راجع من تانى..؟

ولاً نسييت اسمى وعنوانى

والمفروض أرضى بحرمانى

وأدارى حنانى

علشان خاطرک

\*\*\*

طوّلت ف هجرک

وبدا قلبى يحس بغدرک

وخلص صبرى وياما ندهتك

وما ردتش..

يلا بخاطرک

\*\*\*

أنا قلبى ف غربت  
وكل أوقاتى  
فى غيابك صعبت  
متعذبنيش يا حبيبي  
مشاعر قلبى مهياش لعبت  
جت يوم على خاطرك!

\*\*\*

## عملها زعلة

عملها زعلتة ..

ويوم ورا يوم

من كلمتين ..

عملت ألبوم

عدى بقى ..

خلينا نعدى ..

دى مش طريقتة

ف عتاب ولا لوم!

\*\*\*

ع الواحدة تمسك

ليه ما تروق؟

خدها ببساطة

وخف تعوم

\*\*\*

لوع الغلاوة ..

دايماً غالى ..

يا حبيبي ..

يا قمرى العالى

رؤق بقى

وريح بالى

مش ناقص أنا ..

حيرة ولا هموم

\*\*\*

خلاص ياسيدى ..

حقك محفوظ

يا ابو الخدود ..

تفاح على لوز

ارحم بقى ..

خلينا نفوز

مرة برضاك ..

والفرح يدوم!

\*\*\*

## صورة ف خيالنا

بنطلب م اللى بنجبه

يكون صورة ..

من الحب اللى راسمينه

احنا ف خيالنا

وبين الأصل والصورة

ندوق الويل

ونبكى م اللى يجراننا

حقيقى مفيش غرام كامل

وف الدنيا ..

ياما بنقاسى ونقابل

ونظلم ليه ف حبايبنا؟

مهو احنا كمان

ناقصنا كمان حاجات ياما

ياريت مادمنا حيننا  
بقى نرضى .. وتتساهل!

\*\*\*

بنطلب م اللي بنجبه  
يضحى عشاننا  
فوق طاقته  
بنطلب منه يوهبنا  
سنيته وعمره وإرادته  
ولا نقبلشى منه العذر  
ومين فينا فى حياته حر  
ومين فينا ..

عايش فى الدنيا  
على راحتته  
ياريت مادمنا حيننا  
بقى نرضى .. وتتساهل!

## تجاهل حتى ذاتك!

تجاهل حتى ذاتك  
واغرق ف بحور سكاتك  
انسى .. علشان تعدى  
أيام صعبت ف حياتك  
\*\*\*

وجعك لو سبته يكبر  
عمرك عليه ما تقدر  
خليك قد ما تقدر  
سابق خطوة آهاتك  
\*\*\*

فى زمان ملوش أمان  
للطيبة مفيش مكان  
مهما خسرت الحنان  
لازم تكسب ثباتك  
\*\*\*



## ترانزيت

من إمتى أنا كنت ف يوم عايزك؟

من إمتى هويت؟

مش معنى إن أنا كنت بشاغلك

إن أنا حبيت؟

\*\*\*

منا قلبى .. ماهش موقف أجرة

ولا معروض ف السوق الحرة

ومشاعرى ماهش دايماً رايحت

وجايته ترانزيت

\*\*\*

أنا لى حبيبتة بعيش ليها

وماليش ف الدنيا إلا عنيتها

إياكى تقارنى روحك بيها

وتقولى ياريت

\*\*\*

دنا قلبى .. ماهش موقف أجرة

ولا معروض فى السوق الحرة

ومشاعرى ماهش دايماً رايحت

وجايته ترانزيت

\*\*\*

## سكالانس

بن وشاى يعمل سكالانس  
 أسهر وتنامى وبالعكس  
 مش حسانى .. ومش فاهمانى  
 لماً بقيت حاسس بالنقص

\*\*\*

بن وشاى والشوق مسافات  
 بينى وبينك إحساس مات  
 من تجريحك .. من تخوينك  
 من تشكيكك فى الجايات  
 أحزانى بتضرب ف بلنص

\*\*\*

بن وشاى وعنيكى جزيرة  
 ف بحور مليانته بالحيرة

أسأل مين .. وأعاتب مين؟  
وأنا شايفك للبعد أسيرة  
وسماكى مش حاضنته الشمس

\*\*\*

بن وشاى وسراب ودموع  
ولياالى بتشحت ف دموع  
إمتى تجينى .. ياضى عيونى  
ولاً مفيش ف الهجر رجوع  
ولاً شوق جوايا .. بينحس

\*\*\*

بن وشاى يعمل سكالانس

\*\*\*

## أنا عايشك

أنا عايشك ..

ومهما تروحي عنى بعيد

أنا جوّه الضلوع ناقشك

تروح أيام .. وتيجى أيام

وبصحي وأنا .. وجوّه النبض سكتانى

أتوه .. الأقيكى عنوانى

وكل مافى مشتاقلك

\*\*\*

أنا عايشك

\*\*\*

رموشك ..

سكتا مفروشتا فى قلبى

بالحنين والورد

وخذك ..

ألمسه بروحى ..

ألقى الروح ..

جنابين ورد

وفى عيونك ..

بسافر للسمما وأنسى

دموعى اللى سالت ع الأرض

\*\*\*

أنا عايشك

\*\*\*

أنا حاسس بإحساسك

ولو بينى وبينك ..

ألف سد وسور

وبتنفس بأنفاسك

وبلمس فيكى .. كل شعور

\*\*\*

أنا عايشك ..

أنا لامسك

أنا عاشقك

وواهبك كل ما أملك

وحبك جوايا بيكبر

وبيعدى بحور وبحور

أنا عاشقك .. أنا عاشقك

أنا عايشك ..

\*\*\*

## حبك حياة

حبك حياه ..

وعنيك .. حياه

وأنا ألف مرة قلتك

إنت الوحيد اللى طلعت

بيهم الحياه

\*\*\*

دوس ع الذهب وامشى

على قلبى .. على رمشى

دا انت هواك وحده

فى الدنيا دى

بر النجاه

\*\*\*

خدنى معاك خدنى



دوْبنى .. دوْبنى

لحظة ما بتسبني

بحس قلبي بين ضلوعى

فى الضلمة تاه

\*\*\*

حبك حياه

\*\*\*

## سفر

أول الحكايات .. سفر  
آخر الحكايات .. سفر  
واللى ما بينى وبينك ..  
نظرتين وسنين سفر

\*\*\*

لمأدق الحب قلبى ..

دق قلبى

قتلك خليك يا قلبى

جنب قلبى

بس مرضيش القدر

\*\*\*

خدنا من تانى السفر

خدنا من أعلى مالينا

توهنا ف بلاده البعيدة

توهنا فى حضن القمر

\*\*\*

شفنا ناس مشفوش دموعنا

وأما جت لحظة رجوعنا

اللى لقناه ف انتظارنا

تذكرة وشنطة سفر

\*\*\*

يعنى من تانى السفر

\*\*\*

أول الحكايات .. سفر

آخر الحكايات .. سفر

\*\*\*

## قلبي بيموت بالبطيء

قلبي بيموت بالبطيء  
مش حاسس غير بالضياء  
والوجع بقى كل شىء  
من غيابك ..

سكنت الأحزان ضلوعى  
وانطفت فرحة شموعى  
والأمل ملهوش طريق

\*\*\*

قلبي بيموت بالبطيء

\*\*\*

الحنين والشوق متاهه  
والغيا ببحرين عذاب  
كل موجه بألف أهه  
كل لحظة سنين ألم

جوّه قلبى .. والندم

ليل طويل غرقان ف ويل

الأمل جوّاه غريق

\*\*\*

قلبى بيموت بالبطيء

\*\*\*

فى الزحام الحلم تاه

زى طفل الموج رماه

جوّه أمواج الحياه

بس لسه القلب بيحب الحياه

رغم كل الحزن بيحب الحياه

\*\*\*

والحياه من غير عنيكى

صعب تبقى ف يوم حياه

ارحمى قلبى البرىء

قلبى بيموت بالبطيء

\*\*\*

## تتخلى عنى؟!

إزاي قدرت تتخلى عنى؟  
خبيت ليه يا حبيبي ظنى  
وانت اللي كنت علطول تقولى  
إن أنا منك .. وإن إنت منى؟

\*\*\*

مش طبع قلبك يخون وينسى  
إزاي عيونك على تقسى؟  
فيه حب تانى .. قولى يا جانى  
واللا أنت لسه ..  
محتاج لى لسه؟

\*\*\*

فيه قلب تانى ..  
قولى يا جانى

أيه الحكايتا؟

ولاً خلاص ..

هئ كده ..

يعنى النهايتا

وانت اللي كنت

علطول تقولى

إن أنا منك .. وإن إنت منى

\*\*\*

إزاي قدرت تتخلى عنى!

\*\*\*

## بحن إليك

تمد إيديك ..

تلاقى إيدياً فرحانتا

بتجرى عليك

ولمّا عنيك .. تنادينى

تلاقينى ..

وأنا نايم وأنا صاحى

بفكر فيك

بحن إليك

\*\*\*

فى عز عذابى برسملك

ورود وسما

ولو سألونى بتحبّه؟

أقول طبعاً بحبه عمى!



يخدننى هواك لسابع أرض

ويرفعنى لأعلى سما

\*\*\*

بحن إليك

\*\*\*

ولو سألونى عن إسمى

بقول ف هواك نسييت إسمى

ومش ممكن ف يوم أنساه

خلاص بقى حتة من جسمى

\*\*\*

بحن إليك

\*\*\*

## مسيرك يوم

مسيرك يوم هتعرفى مين

شالك جواه سنين وسنين

وكان يتمنى يوهبك

حياته .. ياضى ضى العين

\*\*\*

طول السكّة بتجرحى فيه

وتفرحى لّمّا تبكى عليه

ولّمّا يموت من القسوة

فى آخر السكّة تبكى عليه!

\*\*\*

هتعرفى بس متأخر ..

وتتمنى أوان البعد يتأخر

وساعتها .. دموع ندمك

لاهتقدّم .. ولا تأخر!

\*\*\*

مسيرك يوم

\*\*\*

## مَلِيَّتْ

تقولى ياريت..

أقول مَلِيَّتْ..

رجوعنا معدشى بالإمكان

صحيح حنيت..

لكنى لاقيت..

معاكى القلب مش فرحان

ويوم ما اشتاق لسجّانى

أكيد هديكى عنوانى

وأسيبك تدبحينى كمان!

\*\*\*

معدشى ف قلبى ليكى مكان

وحب زمان داكان ياما كان

معاكى كرهت أيامى

رضيت وياكى الحرمان

تايه حيران مليش عنوان

ولسه واقفت قدامى؟

\*\*\*

سببى خلاص ..

مات الإحساس

بقيت بعدك واحد تانى

ويوم ما اشتاق لسجاني

أكيد هديكى عنوانى

وأسيبك تدبحينى كمان!

\*\*\*

## مين قوَى قلبك؟!

مين قوَى قلبك .. مين قسَاك  
على قلبى بعد ماداب ف هواك؟  
وإزاي قدرت تبيع قلبى  
وإزاي قدرت تدارى هواك؟

\*\*\*

قلبي اللي باع الدنيا عشانك  
إزاي تبيعه .. إزاي تنساه  
متقولى مين ع الهجر رماك؟

\*\*\*

دا مكنشى طبعك ولا حالك  
مين اللي غير أحوالك  
ودبّل الأشواق جواك؟

\*\*\*

مين قوَى قلبك مين خلائك  
تجرح حبيب عمره ما بكأك  
طول عمره شايفك أحلى ملاك؟

\*\*\*

مين قوَى قلبك؟

\*\*\*

## أنا مصمم على النسيان

أنا مصمم على النسيان

ومش هرجع ..

ومش هركع ..

لقلبك تانى

مهماً كان

\*\*\*

ومش قصت كرامت هئى

ولا قسوة وحنيت

دام الأول وأنا حاسس

بان الحب فى قلبك

ملهشى مكان

\*\*\*

ظلمت أنا نفسى وياكى



سنين والغدر جواكى  
واحساسك ملوش عنوان

\*\*\*

ومين قالك..

أنا خسران

جايز جدا

أكون كسبان

عشان لسه..

قادر أنسى

وقادر أفوق

من الأحزان

\*\*\*

أنا مصمم على النسيان

\*\*\*

## مش بأمرك

مش تحت أمرك أنا ..

عاجب ومش عاجب

أنا كل أمرى أنا

للواحد الغالب

اللى واهبنى الحيا

والرمش والحاجب

\*\*\*

كفايتة غرور .. بقى واهدى

غرورك .. آخرته الوحدة

عايز تلغينى بغرورك

وفرض علىّ إنى أرضى؟!

\*\*\*

أنا إنسان .. كمان لى

شعور وكيان وشخصية

وزى ماليك حقوق عندى

أنا بردوا .. كمان لى

\*\*\*

بلاش الظلم والجبروت

دى دنيا .. والنهية الموت

سكت كتير على ظلمك

خلاص مش هرضى تانى سكوت!

\*\*\*

## فوق العادة

حوالى الناس رايحتم وجايت

لكن دنيتى فاضيت على

من يوم ما فارقت

كنت مالى حياتى على

ومن بعدك تهت

وياك دنيتى بتكون جنت

ويموت لو غبت

\*\*\*

القلب واهلك دقاتوا

والشوق ف كلامه وسكاتوا

بيقول حنيت

إزاي بتغيب .. يا أعز حبيب؟

وانت اللى من الدنيا بحالها ..

قلبه اتمنيت

\*\*\*

الناس حوالى ..

لكن ف القلب

إنت لوحدك

للقب مليت

\*\*\*

بستغرب ليه .. إنت لوحدك

بتساوى العالم وزيادة؟

واستغرب ليه ما أنت لوحدك

اللى بحس معاه بسعادة

دى اللحظة معاك .. بتساوى دنيا

أصل إنت حيببى .. فوق العادة

\*\*\*

## زى ما بتقولى

يا خسارة .. يا ألف خسارة .. ياناس

ع الناس ..

ع القلب أما يخون الإحساس

ع الحب أما يكون كدبتة كبيرة ونصدقها

ونعلى ف بيت م الأصل ملوش

ع الأرض أساس

\*\*\*

حبيتها وأنا مفكر إنها ..

زى وفيه

صدقت كلام .. كان باين منه الحنيه

وأتاريها .. زى ما بتقول لى

بتقول للناس

\*\*\*

يا خسارة يا ألف خسارة  
على دموع قلبى اللى رمتنى  
من آه .. على آه  
على سهر الليل .. وعلى المواويل  
على جرح كبير دؤبنى معاه  
وأتاريها زى ما بتقول لى  
بتقول للناس ..  
وأتاريها عايشة بتتسلى  
من غير إحساس  
مهما أندم ولا حاجة هترجع  
وأهى بس أيام ضاعت من عمري ..  
ضاعت وخلص!

\*\*\*

## على قيد الحياة

حرام ميكونشى بيننا حياه

حرام نعيش جوّه الورق

وجنت الشوق تنحرق

واحنا على قيد الحياه!

\*\*\*

حرام يلمس إيديك .. غيرى

ويشوف ضحكتك عنيك غيرى

حرام تنسانى ياطيرى

وتكون ف الدنيا دى لغيرى

واحنا على قيد الحياه

\*\*\*

إزاي نتوه بعد اللقى

ونكمل العمر ف شقى

وأنا وانت على قيد الحياه!

\*\*\*



## ع الواحدة

ع الواحدة ماسكلى ..

ما بيعديش ..

وتملى لجرحى ..

ما بيعديش

وأقوله إرحمنى

ما يرحمنيش

\*\*\*

قسوة وحرمان .. ورانى

جرح وأحزان .. سوانى

وخلص الصبر فى قلبى مفيش

\*\*\*

لا ف يوم ولا ساعة .. بيصبر

ولا لحظة على .. بيصبر

وغلبت معاه .. ولا قادر أنساه  
وأنا مهما أشكيله .. ما يسمعنيش

\*\*\*

دا حبيبي ولكن .. قاسى كتير  
بالشوك عذبنى .. وشوكه حرير  
وعشان بهواه .. بتمنى رضاه  
وأسهر ودموعى .. ما تنيمنيش!

\*\*\*

ع الواحدة ماسكلى .. ما بيعديش

\*\*\*

## قصة حبنا

زى أى اتنين ..

حبوا بعض قبلنا

عشنا قصة حبنا

واتواعدنا .. ع اللقى

واتعاهدنا ..

يفضل الحب لآخر عمرنا

\*\*\*

كل يوم حبك فى قلبى

كان يزيد

كنت لما تضم قلبى

بتولد أنا من جديد

كل لحظة .. وكل ثانية

- وانت جنبى -

كنت عايش أحلى عيد

\*\*\*

عمرى ما فكّرت إنك

يوم هتظلم حينا

كنت شايف جوّه منك

قلب عاشق حلمنا

\*\*\*

فجأة ليه ومن غير معاد

بعتنى وبعدت عنى

دا أنت كنت لقلبي زاد

دا انت كنت حتتا منى

\*\*\*

لسه قلبى معاك وروحى

لسه بتقول لك تعالى

ليه ياغالى تزيد جروحى

والحياة بعدك مُحالمة!

\*\*\*

## جرحتك

جرحتك صحيح ..

ومن غير ما افكر

لقتنى جريح ..

وع البعد ما أقدر

\*\*\*

راجعلك ونادم

ياريتك تسامح

ياساكن ف قلبى

وجوه الملامح

\*\*\*

مليش إلا قلبك

وروحى ف غرامك

ولو ترضى بعدك

أموت من خصامك

\*\*\*

بلاش تنسى قلبى

وتجرّح حنينى

دا لو تنسى حبى

تتوقف سنينى

\*\*\*

## حواديت

علينا حبوا ميت مرة  
ورجعوا وحبوا من تانى  
وليه احنا ولا مرة  
واحد فينا نسي التانى؟

\*\*\*

يوماتى بيدلوا ف أحباب  
وواخدين الحياة حواديت  
وليه احنا.. ياروحى احنا  
قلوبنا ماليها غيرنا حديت

\*\*\*

مهم لو حبوا زينا  
لا كانوا فارقوا ولا نسيوا  
ولو حسوا اللى حسينا

أكيد مكنوش ف يوم قسيوا

\*\*\*

هوانا أصله جؤانا

دا مزروع فينام الأول

ومهما نروح بيملانا

ولا يوم عنا يتحول

\*\*\*



## حبايبنا؟!!

طول عمرنا بندورع الحب..  
 وساعة ما نقابله .. يسبنا!  
 ونعدّيله بحر.. وبحر .. وبحر  
 وف موجه بتغرق مراكبنا  
 نعتب على مين ..؟  
 ونلوم على مين ..؟  
 دول مهما كانوا..

حبايبنا؟!!

\*\*\*

نلاقى الجنة ف هواهم ..  
 ويوم والتانى تصبح نار  
 نفوق ولكن ما نلقاهم  
 والجرح يكبر باستمرار

بنرضى ونقول دا نصيبنا

ونلوم على مين..؟

نعتب على مين..؟

دول مهما كانوا.. حبايبنا

\*\*\*

نجرب تانى م الأول..

ونقول هننسى اللى جراننا

واللى حصل لنا ف الأول

من تانى يرجع يجراننا

نعتب على مين..

ونلوم على مين..

دول مهما كانوا..

حبايبنا!

\*\*\*

## فى عنيتها.

فى عنيتها حنية تحير  
وجمالها قادر ومسيطر  
قلبي عشقها وقولته لا  
دى سنّها لسه صغير

\*\*\*

فى عنيتها أشواق وأمانى  
وحنانها رجّعلى زمانى  
لكن ما بينى وبينها سنين  
خلتني واقف ف مكانى

\*\*\*

صحيح عنيني فضحتني  
وهي بي كمان حسّت  
بس كمان هي هوتني

ورموشها بمشاعرى اتحنّت

\*\*\*

حاجز خطير بينى وبينها

لكن مفيش ف الحب محال

لحظة ماجت عينى ف عينها

سكت .. لكن قلبها قال

\*\*\*

فى عنيا حنية تحير

\*\*\*

## الحب الصعب

يحب الحب الصعب ..

ويحب كمان اللعب ..

أنا طبعى كده ومش عارفه

أنا ليه على روى يحب؟!

\*\*\*

مش عايزة الحب السهل ..

بيحسنى إننا أهل ..

أنا عايزة غرام يخطبنى

مش حب يجينى على مهل

\*\*\*

مش عايزة هوى بشروط

ولا حب ضغوط ف ضغوط

مش كل ما أقرب خطوة

الخطوة تخدنى لموت

\*\*\*

## خد حظك م الدنيا ..

خد حظك م الدنيا يا ذوق

حب و غنى اتهنى و زوق

أصل الرزق بأمر الخالق

عمره ما كان يوم ع المخلوق

\*\*\*

خد حظك م الدنيا يا ذوق

\*\*\*

حب و عيش سيب بكرة لبكرة

دا مفيش جرح ملهشى دوى

مهما الدنيا تضيق على فكرة

فيها الميه وفيها هوا!

\*\*\*

واللى خالقها مقدر خيرها  
قبل ما نيحى وبعد ما نمشى  
اللى خالقها لجل نعيشها  
سيبها على الله هتحلى وتمشى

\*\*\*

ياللى الهم ساكن ف عيونك  
وبقيت حاسس ..  
إن الناس كلها بتخونك  
ربك أرحم بيك من أمك  
وانت جنين ف ضلوعها تشيلك  
سيبها على الله .. وعيش أيامك  
قادر وحده .. ييزيد ف قلبك

\*\*\*

وخذ حظك م الدنيا يا ذوق

\*\*\*

## فواتير

بدفع مُقدّم من دمی ..  
للاه .. فاتورة ورا فاتورة  
ومهما زاد غليان همى  
بقول على الله ومستورة

\*\*\*

وياما ضعت أنا فى الرجلين  
وشلت شيلت ناس تانيين  
لا سمعت يوم كتر خيرك  
ولا قالوا حتى .. الله يعين

\*\*\*

وشافونى بغرق .. وسابونى  
للمر والنار حدفونى  
ويوم ما قلت تعبت لقيت



أحبابى همّا اللى لمونى

\*\*\*

فواتير ولازم تتسدّد

وياريتنى كنت ف يوم جانى

سهلت.. وكله بيتعوّض

هوّه كده طبع زمانى

\*\*\*

## وشوش

بيفضل م السنين .. عناوين

وساعات .. حبة صور

وشوش .. بتضيع شمال ويمين

وأهو دا حكم القدر

نفضل فى الدنيا دى تايهين

ما بين شمس وقمر

أنا مين فى الدنيا دى أنا مين؟

أنا واحد م البشر

لعبت بيه السنين

ولعب بيه القدر

وف ألواح الحنين مرسوم

دمعتا فى صورة بشر

\*\*\*

أيام فاكرينها ويانا  
وأتاريها علينا طول الوقت  
وسنين بالجرح رميانا  
بتسرق م الضلوع الصمت

\*\*\*

وناس ساكن فيها الوسواس  
وناس كارهتة جميع الناس  
وناس لم تفتشها ..  
متلقاش فيها ولا احساس

\*\*\*

وناس بالحب عايشاها  
وناس بالكُره واخداها  
وناس لماً تعاتبها  
تلاقى دموعها خانقاها

\*\*\*

وناس من حزنها شاخت

وناس من حزنها تاهت

وناس رايحتا وناس جايتا

وهى من زمان .. ماتت

\*\*\*

وناس هربانتا من روحها

وناس تايهت ف مطرحها

وناس وياك ومش وياك

وناس الحق يدبجها

\*\*\*

بشر عايش حلاوة روح

وكله بالحياة مدبوح

وكله نفسه يتكلم

وهربانتا الحروف ف الروح

\*\*\*

سنيين بتدور .. معاها ندور  
بيخلص دور .. ويبدأ دور  
ودايماً فينا شىء مكسور  
وحلم كتير بيتأخر

\*\*\*

وشوش تفرح بطلعتها  
وشوش تتمنى ضحكتها  
وشوش مهما تفرحها  
لفرح قلوبها .. تستخسر!

\*\*\*

## واحد + واحد

ما تحسبهاش .. بتدّى إلاّ وتاخذ  
مفيش حاجة فيها ببلاش  
ماهى واحد زائد واحد ..  
ولمّا بتيجى ع الواحد ..  
كثير تاخذ وتدى بلاش

\*\*\*

زمان غدار ملوش صاحب  
بيغدر بينا ويصاحب  
ياسعد اللي ملوش صاحب  
بييجى عليه  
زمان طبعوا مغلبنا ..  
بيلاعب بينا وتاعبنا ..  
بياخذ منّا حبايبنا

ويسقينا المرار بايديه

\*\*\*

نخاف لَمَّا يروق لنا

نخاف وتخاف ليالينا

عشان طبعه احنا حافظينه

مفيش مرة بيدى بلاش

ومهما فرحنا بيطول ..

فى لحظة واحدة يتحول

ونرجع تانى م الأول

نقاسى وننجرح ببلاش

\*\*\*

أه .. أه

\*\*\*

## سجن كبير

صبرت حياتنا سجن كبير  
 مليان وحوش مليان دبايير  
 الطيبين فيه يتاكلوا ..  
 والحق فيه .. ملهوش تقدير

\*\*\*

كلوا بيجرى ومش لاحق  
 والدمع عملولوا ملاحق  
 يادنيا ليه حزنك على طول  
 دايمًا لخطاويننا يلاحق

\*\*\*

قضبان كتيرة وميت سجان  
 ورا كل باب قصة أحزان  
 الضلمة ليه مش طايقته النور



والحق ليه علطول تعبان؟

\*\*\*

عايشين حياتنا غرور ف غرور

وع الضعيف دايمما بنجور

مفيش ضمير ولا فيش احساس

ماتت البراءة فى قلوب الناس

والظلم بيين مش مستور

\*\*\*

عايشين ف سجن كبير مقفول

الحق فيه ضايع علطول

والسجن ضاق من كبره علينا

وعذابنا فيه مبقاش معقول!!

\*\*\*

## تعالب وديابة

هئ صحیح دنیتنا دی غابتا ..؟

مليانته تعالب وديابته ..؟

ليه كلنا شايقنا كده؟

ليه مش شايقين غير أوجاعنا ..

واللى خدعنا واللى وجعنا

واللى بجرح قلوبنا بده؟

\*\*\*

زى ما فيه ضلمته .. فيه نور

بس البنى آدم معذور

م اللى قاساه ..

م الناس والدنيا

بس كمان لو زاد الخير

لو عشنا حياتنا بضمير

هنعيش دنيا ..

غير الدنيا

\*\*\*

أنا لا حكيم .. ولا بتفلسف

أنا زيِّكوا مجروح بنزف

كان نفسى أعيش .. من غير الآه

فيها أيه لو نبدأ من تانى

علشانك واللّه وعلشانى

ليه الخير نفتكره أمانى

والشربقى لنا حياه؟!

\*\*\*

## المصلحية

المصلحية كترتوا ..

يا زمان المصلحة

يا زمان الصدق فيك

والخير راح واتنسى

يا زمان فيك اللي خسروا

الناس المصلحة

\*\*\*

كلوا صاحب مصلحتوا

وكلوا عايش لراحتوا

تاخذ ولا يوم بتدى

وعنيك على جرحنا

فايقتا ومصحصت

\*\*\*

تتغير الظروف .. تتغير القلوب

واللى كان يوم صاحبنا

ينسى انه يوم صاحبنا

للعيش والملح ينكر

والعشرة عليه تهون

والذكريات تدوب

مهو زماننا زمان

المشى بالمقلوب

\*\*\*

تتغير الظروف .. يتغير الإحساس

واللى كان غالى يرخص

ويتوه ما بين الناس

يا زمان المصلحة ..

الخير راح واتنسى

يا زمان فيك اللى خسروا ..

الناس المخلصتة!

\*\*\*

## تلات بنات

تلات بنات زى القمر

خلو حالت قلبى ف خطر

دولت بنات ولاّ ..

سكر بنات ولاّ ..

نجوم وسكتها السهر!

\*\*\*

تلات بنات حلوين حلوين

يرقص جمالهم جوه العين

كل اللى شافهم .. غنّالهم

وبقى ف ثوانى من العاشقين

\*\*\*

دولت بنات ولاّ ..

سكر بنات ولاّ ..

نجوم وسكتها السهر

\*\*\*

القد خطوته جوه القلب  
بحور هوى فيها موج بيصب  
والخد ورد سرق سحره  
من القلوب الشوق والحب

\*\*\*

دولت بنات.. ولأ  
سكر نبات.. ولأ  
نجوم وسكتها السهر

\*\*\*

## سيجارة

بطلت التدخين بجدارة  
 وقطعت السكّة على سيجارة  
 كات عايزة تسلمنى لموتى  
 وتحول مكسبى لخسارة

\*\*\*

بطلت التدخين ونهيت  
 من صدرى القطران والزيت  
 دنا صدرى اتشقق وياريتنى  
 ماف مرة للقلب هريت

\*\*\*

العقب المجنون كبرنى  
 حسّسنى إننا ف التسعين  
 وأنا لسه صغير ويادوب



على خدى يخطى الياسمين

\*\*\*

من عقب سيجارة .. لسيجارة

من دمى مضيت الفواتير

غدرت بي الدنيا الغدارة

ومحدث ع الغدر كبير

\*\*\*

## الشيخ على

الشيخ على كان فى الكُتاب  
أستاذ وبيخرج كُتاب  
راجل بسيط لكن عمره  
ماكان جشع ولا كان كُداب

\*\*\*

الشيخ على .. الشيخ على

\*\*\*

كنا ع الأرض بنقعد  
وائل وليلى ونهى وحسام  
نكتب ونحسب ونأكد  
ونقول كلام .. مش أى كلام

\*\*\*

الشيخ على حاجت كيرة  
وسيرته كات أجمل سيرة

والدنيا صعبتة وعسيرة  
لكن بصبره كان غلاب

\*\*\*

الشيخ على .. الشيخ على

\*\*\*

بقت المدارس دلوقتى  
كجى وان وكجى تو وأبصر أياه  
والشيخ على راح ولاجاشى  
لكن بجد بنبكى عليه

\*\*\*

دا كان راجل قلبه مدارس  
هاوى العلوم قارى ودارس  
على إيده ياما خرجوا فوارس  
م القلب واللّه بنبكى عليه

\*\*\*

الشيخ على .. الشيخ على

\*\*\*

## الفييس واصحابه

أيوا لازم تنسكى .. بلوك  
 علشان على أوهامى .. أسك  
 يخرب بيت الفييس .. واصحابه  
 وجع الراس .. واللوك .. لوك.. لوك

\*\*\*

أيه يا ضانيا .. دى قصتة فييس؟  
 والتهيبس .. بيحبيب تهيبس  
 أنتى مفكرة نفسك ليلى؟  
 أسف أنا وائل مش قيس!

\*\*\*

بس كمان الفييس له فائدة  
 لمّا يجوز سعد ل عايدة  
 ابن حلال .. جمّع ف راسين

والله ما كانت منهم .. فائدة!

\*\*\*

أما أنا .. متجوّز والله

عندى بدال الواد .. ولدين

واللى قانيها .. دى كرشها عالى

يعنى أكيد حامل ف اتنين!

\*\*\*

بصى يابنت الناس الحلوة

الحدوتة دى كانت نزوة

عندى مراتى واسمها نجوى

مالىالى والله عنيبى الجوز

وأنا مش ناقص لويته بوز

غورى ف داهيته ..

هتلاقى غيرى ..

ع الشات يبيجى مليون أراجوز!

\*\*\*

أما أنا ..

لازم أشد الفيشتة

واعمل ليكى ف اللحظتة .. بلوك

أصل أنا لا أنا .. شاب مراهق

ولا هيمنان علشان فيكى أشك

خدت خلاص كل اللي أنا عايضة ..

ما بقاش فاضل الأ الخيبة!

وأنا والله ما بحب العيبته

وأقرف جدا أوى م العك

أى والله .. ما بحب العك!

\*\*\*

## أنا مقبلش ..

أنا مقبلش.. أكون ورقة خريف

دبلانته تجلدها سياط الريح

ولا أقبل إنى أعيش ميت

ولا فرحان وقلبي جريح

يا إما الضى .. ينقش لحم شرايينى

يا إما الليل .. يكون كفى .. بلا مصابيح

\_ أنا مقبلش \_

\*\*\*

أنا مقبلش .. أكون شخشيختة ف إيديكى

ولا طابع مرور .. ملزوق على جبينك

عشانك أعادى كل الخلق وأفديكى

وف الآخر .. يسيل دمي بسكاكينك!؛

يابنت الناس .. بلاش الإفترا ووقى

لا أنا عابذك .. ولا عاشقك ..

ولا حرّك .. ولا سجينك!

\*\*\*

خلاص خلصت ..

ودرس العشق .. كان علقم

ياريت قلمى ما خط حروف ولا اتعلم

لا أنا مواطن .. له الحق يعيش إنسان

ولا جاحد .. بتتفتح له البيان

رغيف العيش .. صحيح ع الأرضفة مرمى

لكن ولا ليلتة .. بت فيها وأنا شبعان!!

\*\*\*

يابنت الناس .. كفايتة بقى مرارفى

حقوقى خسرتها فيكى ..

ولا كسبتش .. ولا قضيتة

ويوم ما صرخت : وقلت فين ..



ياناس حقى؟

قالوا المدبوح..

ملهشى ف شرعنا..

ديتة!!

\*\*\*

## تستاهل التحية

تستاهل التحية ..

يا حامى حمى الحرية

يا جيشنا يا عظيم

يا مصنع الوطنية

\*\*\*

دمك روى الحدود ..

عرقك فك القيود ..

من أجداد الجدود

شايل كل القضية

\*\*\*

لنا حق نتباهى ..

ونفتخر بشجاعتك

عدد رمال سيناء

نقف احترام لشهامتك

مهما يقولوا علينا

ما شوفنا غير مجدعتك

\*\*\*

تستاهل التحية..

ياحامى حمى الحرية

يا جيشنا يا عظيم

يا معلم الوطنيتة

\*\*\*

جيش اتولد م الشعب

مليان إيمان وحب

ومهما غزلوا الكذب

إنت ف عطشنا .. ميه

ياحامى حمى الحرية

تستاهل التحية

\*\*\*

العسكرية انضباط ..

عطاء .. وانكار ذات

حب الوطن مقامات

وانت هواك حرية

\*\*\*

يامنبت الوطنية ..

تستاهل التحية

\*\*\*

## ثابت وجودك

يوم بعد يوم..

ثابت وجودك

حاضن ترابها

صاين حدودك

\*\*\*

رامى البذور

زى المطر

تطرح حياه

تطرح شجر

\*\*\*

إيدنا ف إيدك

ولا يوم نسيبك

إنت دمانا

واحنا وريدك

\*\*\*

رجّالتة فى ساعة الخطر

\*\*\*

من طينة الأرض العفيفة

صلب وعزيمتك نار قوية

تطلب فدائى تلاقى ميه

وكلنا إيدنا ف إيدك

\*\*\*

يوم بعد يوم .. ثابت وجودك

\*\*\*

لو ألف بحر ..

معاك نعدى

منقولش ناخذ أيه؟

بندى ..

وياك بنلقى الحلم وردى

واحنا ولادك ..

واحنا جنودك ..

يوم بعد يوم ..

ثابت وجودك

\*\*\*

## الله أكبر ..

الله أكبر ..

على كل ظالم مفتري وملهش قلب

الله أكبر ..

ع اللى عاييها مجزرة وخراب وحرب

الله أكبر ..

ع اللى يخون بلده وكل حياته كذب

الله أكبر ..

على كل إنسان باع ضميره

الله أكبر ..

ع اللى ما يوهب بلده خيره

الله أكبر ..

ع اللى سرق واللى قتل

واللى خنق وردى وعبيره



اللّٰه أكبر..

على كل إنسان قلبه قاسى

مفهشى رحمتا

اللّٰه أكبر..

ع اللى عاييها خراب ونار ودمار وأزمتا

اللّٰه أكبر..

ع اللى سرق فرحتنا..

واللى ملهشى لازمتا

اللّٰه أكبر..

على كل مين عكرفى ميتة نيلنا

واللأجه علينا

اللّٰه أكبر..

على كل مين نزل دموع

غالية ف عيننا

اللّٰه أكبر..

على كل مين داق خيرنا

واتمرد علينا

الله أكبر..

الله أكبر..

الله أكبر..

الله أكبر..

الله أكبر..

ع اللى رهن دينه

على طاولتة قمار!

الله أكبر..

على كل مين تاجر بدينه

عشان دولار

الله أكبر..

على كل مين باع بلده

وعايشها عار

الله أكبر..

هو الكريم المقتدر

الواحد الجبار

الله أكبر..

الله أكبر..

الله أكبر..

\*\*\*

## إوعى تقول مسلم!!

سئيت سكاكينك ..  
ودبحتنى بإيديك ..  
متقولى أيه دينك؟  
ولأدا صعب عليك؟!

\*\*\*

إوعى تقول مسلم!  
إوعى تقول إنسان  
إنت أكيد مجرم  
وغواك مليون شيطان

\*\*\*

إسلامنا حرية ..  
مهوش جهالتا وزيف  
واللأ أنت راح تنشر

دينك بجد السيف؟!

\*\*\*

نيينا علمنا ..

إن الحنان ملّت

والحب عمره ما كان

فى القلب يوم علّت

\*\*\*

سنيت سكاكينك ..

ودبحتنى بالصدر

هتقول لربك أيه؟

على العموم .. الصبر!!

\*\*\*

## المجذوب

ما بخيركش ..  
لازم تفتح شباييك  
عشان الشمس تدخل  
تقتل الميكروب  
وما هر حمكش ..  
ولا .. هستنى منك  
كلمتين على ورقة بيضا ..  
وصورة بالمقلوب  
مانش ربك ..  
ولا لى حاجة عندك  
ولكن اللى قاتلنى ..  
أشوفك كل يوم ماشى .. كما النائم

بتفطر كل يوم وخرى .. كما الصايم  
وحتى لما تتركع .. بتتركع ومش فاهم  
وعايش دنيتك هايم ..  
كما المجذوب!!

\*\*\*

## زهرة الصَّبَّار

القرب نار..

والبعد نار..

ومعدشى قلبى خلاص

قادر ع الاختيار

لكن مادام قلبك خلاص

خاد القرار

وقدرت تحرق جنتى

لازم أدوب مرى ف ضلوعى

وأضحك .. زى ..

زهرة الصَّبَّار!

\*\*\*

ياللى الحياة عندك

مجرد كدبتة..



بتعيشها بتأنى  
مبقاش فى قلبى إلا الضباب  
بيعبى حزنى  
من تانى راح تسرق بكديك  
قلب تانى ..  
وتسيبه وسط النار  
وتخدع قلب تانى  
ولإمتى هتعيش الحياة  
ف دور الأناى؟  
ولإمتى هتشوف الحياة  
نزوة .. وطراييزة قمار؟!  
والله خايفت عليك  
لا الأقيك ف يوم قصادى  
م المرتضحك ..  
زى .. زهرة الصبار!

\*\*\*

## من غيرك!

أنا من غيرك

قلب جريح

ريشة مكسورة

ف وش الريح

أنا من غيرك

مش لاقى نفسى

وخلص قزب

يملانى يأسى

ارجع لى حبيبي لوفعلاً

كنت حاببنى ف يوم بصحيح!

\*\*\*

جرحك لى ..

ملينى جروح

بُعدك عنِّي

بيكوى الروح

ارجع لى ..

حبيبي لوفعلاً

لسه ف قلبك

باب مفتوح

\*\*\*

ليل ونهار

عايش ف مرار

ميّت وبموت باستمرار

ارجع لى حبيبي حرام

جنة حبك .. تصبح نار

ارجع لى حبيبي لوفعلاً

كنت حابيني ف يوم .. بصحيح!

\*\*\*

## ياسلام .. ياسلام!!

ياسلام .. ياسلام

بيقولوا الحب مع الحرمان

بيموت .. ويعيش بس النسيان

ياسلام .. ياسلام

دا كلام والله ..

دا بس كلام

منا اهو يا حبيبي

بقالى زمان

مش بصحى وأنا

غيرع الحرمان

ولا عمرى نسيت ..

ولا يوم حبيت ..

غير قلبك

ولا خاد قلبى غرام

ياسلام.. ياسلام

\*\*\*

بيقولوا كمان ان الحيرة

بتحرك ف القلب الغيرة

وتخلى القلب ملوش سيرة

غير قلنا وقال

ياسلام.. ياسلام

دا كلام يا حيبى..

دا بس كلام

ما أنا اهو فى الحيرة وف الغيرة

ببعثلك كل دقيقة سلام

ياسلام.. ياسلام

\*\*\*

أنا عن تجربتة..

قلبى محبش

غير قلبك

على طول الأيام

ياسلام.. ياسلام

\*\*\*

واللى قالوا عشقنا ونسينا

لو حبوأزى ما حيننا

مكنوش يقدرُوا ينسوا هواهم

يوم واحد بس من الأيام..

ياسلام.. ياسلام

\*\*\*

## دورع الإنسان

دورع الإنسان جواتك

قبل ما يهرب من جواتك

دورع الإنسان

دورع المعنى وع الفكرة

قبل ما يبقى وجودك ذكرى

وقصت ف كان ياما كان

دورع الإنسان

\*\*\*

دورع على حلمك .. وامشيله

وان عاندك .. ضوى ف قناديله

مهما زمانك خان

دورع الإحساس الدافى

ع الصدق وع اللون الصافى

وسيبك م التوهان

دورع الانسان

\*\*\*

الدنيا ما تنعاش غير مرة

ع الحلوة بردوا وع المرة

عيشها بكل حنان

دور على قلبك واياك

تنسى انه مخلوق جواك

مهما تقسيك الأحزان

دورع الإنسان

\*\*\*



## بين اللحظة والتانية

فى لحظة الدنيا بنشوفها ..

ما بتشوفناش

ومن خوفنا ..

حاجات جؤانا تخطفنا

ما ترحمناش

وغصب عننا نصرخ ..

عشان الدنيا تسمعنا ..

وما تسمعناش!

\*\*\*

وبين اللحظة والتانية

بتتغير حاجات ياما

ومهما الحزن يكسرنا

ف لحظة يروح وينسانا

حاجات تانيّة .. وناس تانيّة

ما بين اللحظة والتانيّة

تخلي الفرح يملانا

\*\*\*

أكيد ربك ماهش ناسى

ومهما تعانى وتقاسى

ف لحظة بتنتفتح لأبواب

وبين اللحظة والتانيّة

ياما بتتغير الدنيا

وكل سؤال ييبقى جواب!

\*\*\*

## مش من يومين ..

مش من يومين

ولا من سنتا

حييت أنا

جوايا حبك .. من زمان

من قبل ما أعرف يا حبيبي

أنا مين .. أنا

\*\*\*

إنت أنا ..

يا حب أقوى من الجراح

ومن العذاب ..

ومن الضنى

وانت هناك ..

وانت هنا ..

حُبِّك مالك قلبى أنا ..

وأنا وقلبى يا حبيبى عمرنا ..

ما كان لنا .. عنك غنى

\*\*\*

قبل أما أشوفك ..

كنت شايفك جوّه قلبى

ولما شوفتك يا حبيبى

شوفت فيك

قدرى .. وأحلامى وحبى

\*\*\*

مش من يومين ولا من سنت

جوايا حبك من زمان

من قبل ما أعرف يا حبيبى

أنا مين .. أنا

\*\*\*

ومهما غلبتني الدموع  
انت البداية والنهاية  
والحنين .. حلم الرجوع  
انت اللى دايم يا حبيبي  
عايش ف قلبي  
وبحضنوا .. جوّه الضلوع

\*\*\*

مش من يومين .. ولا من سنتا!

\*\*\*

## متعقدهاش ..

دنيتنا أيه .. متعقدهاش

دنيتنا لحظة شوق يتعاش

دنيتنا حلم .. بيصبح علم

وحاجات جميلة .. متستناش

\*\*\*

دنيتنا أيه .. متعقدهاش

\*\*\*

ياللى شايفها ..

دموع وعذاب

كدأب وكل هواك كدأب

دا اللى بيعشق من قلبه

ع الفرح يفتح مليون باب

\*\*\*

سيبك من الحزن وعديه  
دور على الفرح .. هتلقاه  
جواك حنان .. ليه بتخيه؟  
بالحب عيش .. دا الحب حياه

\*\*\*

## فى غمضة عين

فى غمضة عين ..  
 حاجات ياما بتتغير  
 بنكبر قد ما نكبر  
 وبردوا عمرنا قصير  
 نقابل ناس ..  
 ف غمضة عين .. نحن لهم  
 نفارق ناس ..  
 ف غمضة عين .. بنشكيلهم  
 تدور لأيام  
 ف غمضة عين  
 جراح وألام  
 ف غمضة عين  
 وأدينا صابرين  
 على الدنيا وعمايها  
 ف غمضة عين!

\*\*\*



## بنت حلوة

حَبْنِي لِدَاتِي .. لِنَفْسِي  
 مَش عِشَان أَنَا بِنْت حَلْوَة  
 ضَمَّنِي وَاحْضِن مِشَاعِرِي  
 وَافْتَكِرْنِي فِي كُل غَنْوَة

\*\*\*

صَعِبَ أَحْسَ إِنِّي فِي حَيَاتِك  
 قَلْب مَسْجُون جَوْه دَمِيه

\*\*\*

حَبِّ فِي كَمَان ذِكَاثِي  
 حَب رُوحِي قَبْل شَكْلِي  
 وَوَعَى تَطْعَن كِبْرِيَاثِي  
 وَوَعَى تَكْرَه فِي عَقْلِي  
 قَبْل مَا أَقُولُكَ بِحَبِّكَ  
 لِأَزْمِ إِنَّتْ تَقُولُهَا قَبْلِي

\*\*\*

الجمال أنا بيخده منك  
لما تفتح لى قلبك  
لما تحضنى بمشاعرك  
لما أحس.. إن مناك  
إنى أعيش العمر جنبك  
مش مجرد بنت حلوة  
لما تلاعبها.. تلاعبك!

\*\*\*

## ما تياسى

مهما دموعك .. تملى عنيك  
والدنيا كلها .. تيجى عليك  
كمل ياقلبي ما تياسى  
فيه لسه بكرة .. بيحلم بيك

\*\*\*

فيه لسه دنيا وناس حلوين  
مستنين منك كلمت  
ومهما كنت جريح وحزين  
بردوا الحياة أكبر نعمت

\*\*\*

سجلك بتكبر قضبانه  
طول ما انت عايش ف الماضى  
اخرج بقى من جدراناه

اوعى الندم ترضاه قاضى

\*\*\*

عدى الليالى سور ورا سور

لغيتا ما تلقى عنيك النور

وحتى لو حظك خانك

اوعاك تبان للناس مكسور

\*\*\*

## مش أى قلب

قبلك كثير..

دخلوا لقلبي

وانت الوحيد اللي ملكتوا!

ويا ما قلت كثير حبيت

لكن معاك..

قلبي عشقتوا

\*\*\*

مش أى قلب.. يغيرنا

ولا أى حب.. يحيينا

حيينا ياما.. وغيرنا

ومعاك بأحلامنا رسينا

\*\*\*

كثير الهوى..

وحبك نادر

كتير الهوى ..

ورمشك قادر

ويا ما قلت كتير حبيت

وأتاريني عمرى ما جرّبتوا!

\*\*\*

## نعمة من القدر

نزعل ونرجع ف ثوانى  
منقولشى مين جرح التانى  
ولا مين قسى .. ولا مين غدر  
دا هوانا نعمة من القدر

\*\*\*

حبك زمانى ومكانى  
وحنان عنيك سر حنانى  
ومفيش غيرك ف الليل قمر  
دا هوانا نعمة من القدر

\*\*\*

لنا ف الهوى مواويل ياما  
ولا عمر نسمع لملامتة  
ولا همنا يوم م البشر

\*\*\*

نزعل ونرجع من تانى  
منقولش ميين فينا الجانى  
وكاننا لحن ووتر

\*\*\*

دا هوانا نعمت من القدر

\*\*\*



## حاجة صغيرة

لو كل حاجة صغيرة ..  
هنقول ياريت وياهلترى  
عمر ما هنخطى لأدام  
بالعكس هنخطى لورا!

\*\*\*

الشك لو زاد عن حدوا  
لازم حيبى نقف ضدوا  
علشان دا لو سبناه يكبر  
هيشوفنا حاجة صغيرة!

\*\*\*

من كلمتا ليه نعمل موضوع؟  
ونضيع ف سكتا ما منها رجوع  
فيها كل شىء ممنوع ممنوع  
ودموعنا تبقى مقدرة؟!

\*\*\*

## لحظة غروب

اتقابلنا بعد غيبته ..

اتقابلنا أنا والحيبته ..

كات عيونها فيها غربته

وكات عيونى مليانته طيبته

\*\*\*

اتعاتبنا حبه حبه

بس كات غالبته المحبته

ع اللى راح .. واللى جاى

والهوى اللى ملوش أظبته

\*\*\*

بتقوليلى شوف الزمان

قد أيه؟

قلبه قاسى ملوش أمان

وأعمل أيه؟  
هى دى القصة..  
هوه دا المكتوب  
حظنا نقاسى..  
م الهوى القاسى  
لحظة غروب!

\*\*\*

## لولاك ..

أنا فوق ما اتمنى

لقيت حبك

وعشقت هواك

حكيوا عن الجنة

وأنا الجنة

عشتها وياك

حبك بالدنيا ..

وأيه تسوى ..

الدينادى لولاك؟!!

\*\*\*

صدقنى لولاك ..

أنا مش ممكن

أعيش ولا ثانيته

أيوا أنت الدنيا

وانت الهوا .. وانت الميتم

أيوا أنت حبيبي قريب وبعيد

مالى عنيي

\*\*\*

وبموت م الخوف ..

لوف خيالى حسيت بفراق

مقدرشى استحمل من غيرك

ظلم الاشواق

ومحال يا حبيبي تكون جوايا

ومش لى

\*\*\*

## حياة أو موت

وصلنا لمرحلة صعبة

هوانا خلاص ..

حياة أو موت

معدشى تانى ينفعنا

فراق ..

ولا يرضى روحنا سكوت!

\*\*\*

تعالى نقولها للعالم

بصوت عالى .. ومن غير خوف

معدشى فيها تانى كسوف

معدشى للفراق حيلة

ولا تقدر علينا ظروف

\*\*\*

كده ف الحال .. فراقنا محال

وأحلامنا حقيقة خيال

فى حضن القلب متواعدة

\*\*\*

## سابع أرض

لفوق سابع سما خادنى  
هواك يا حبيبي ووعدنى  
بأجمل وعد  
وأنا من شوقى صدقتوا  
وقلت حبيبي وعشقتوا  
وصونت العهد  
وفجأة من إيديه سابنى  
وخلى الجرح يزرعنى  
فى سابع أرض

\*\*\*

عشان طيب ومش خاين  
مشكتشى ف هواك ثانياً  
ويا ما حذرونى منك



وأقول دا حيبى حاجة تانية

\*\*\*

كتير على قلبى تغدر بيه

عملك أيه عشان ترميه؟

فى نار مش لاقى ليها آخر

يحن إليك .. وتقسى عليه

ويتمناك .. وتلعب بيه

ويا ما حذرونى منك ..

وأقول دا حيبى م الآخر!

\*\*\*

## معانى الحب

عايش وياك .. معانى الحب

كل الحب يا حبيبي

ودقتا بدقتا واخذنى

لنار ولجنتا يا حبيبي

وقبلك ايه أقولك ايه؟

حرام والله أحكى عليه

دنا من يوم ما شفت عنيك

عرفت العشق والرفقة

لقيت قلبى ف حضن عنيك

بتحضن دقته .. دقتا

\*\*\*

دى قصتا حب ..

عايشها وعيشانى

وحاسسها وحسانى

على إيدك اتولد قلبى

ولسه بيتولد تانى

\*\*\*

معانى الحب .. هوه أنت حيببى

وكل الحب .. لىك إنت حيببى

وأحلى نغم .. وأغلى ألم

معاك يا حيببى تتلون ..

شفايفه .. ويحلى تعذيبى!

\*\*\*

## خلينا أصحاب

مادام الهوى كله جراح ف جراح  
خلينا صحاب يمكن نرتاح

\*\*\*

أزاي هنكمل ودموعنا

سبقانا وإحساسنا واجعنا

طال بينا الليل ..

وسقانا الويل ..

وياريت يا حبيبتي

لقيتله صباح

خلينا اصحاب .. يمكن نرتاح

\*\*\*

الحيرة بقت ماليت حياتنا

والغيرة والشك مموتنا

لو نفضل باب ..

يفتح ميت باب

وازاي هنعيش

بين نار وعذاب

خلينا أصحاب .. يمكن نرتاح

\*\*\*

مش بهرب من حبنا لكن

من إمتى أنا وانتى فرحنا سوى؟

دايما حزننا جؤانا ساكن

وجراحنا كتيرة ومالها دوى

خلينا أصحاب

\*\*\*

خلينا صحاب .. يمكن نرتاح

\*\*\*

## إنسانى

عايز تنسانى .. إنسانى  
خد تارك .. من أحزانى  
أنا عمرى عليك ما هدمع  
ولا يوم هرجعلك تانى!

\*\*\*

لوهان الحب عليك  
هيهون يا حبيبى على  
أنا مش هترجى عنيك  
ولا يوم راح تبكى عنى

\*\*\*

لو بعت .. معاك راح أبيع  
ولا يوم هخلصك وحدى

مش هقبل إنى أضيع

وانت ولا همك بُعدى

\*\*\*

لو فاكرا إنى ملاك ..

هتبعنى وهترجاك

لو فاكرا إنا ضلك ..

مهما تروح همشى وراك

يبقى أنت خيالك خانك

والوهم كبر جواك

\*\*\*

عايز تنسانى .. انسانى

\*\*\*

## حلاوة روح

أنا طير مدبوح..

بيرفرف بس حلاوة روح

جايلك علشان تداوينى وإزأى؟

إزأى مجروح يداويه مجروح؟!

\*\*\*

لنا حق نشك ف ليالينا

لنا حق نقول الهوى كذاب

مش دى ايدينا ..

ولادى عنينا ..

دحنا بقينا أكرّم الأعراب!

\*\*\*

إحساس الغربة أكيد قاتل

وخصوصاً لو من جؤانا



وخصوصا لو بينى وبينك  
خطوة ؛ وعنيك مش شيفانا

\*\*\*

أنا طير مدبوح ..  
بيرفرف بس حلاوة روح  
جايلك علشان تداوينى وإزاي ..  
إزاي مجروح يداويه مجروح!

\*\*\*

لسانى بحن لدلوقتى ..؟  
لسانى ف الماضى بعيش وقتى  
بس اللي أنا حاسته دلوقتى  
حطمنى .. وخلي النبض يروح

\*\*\*

أنا طير مدبوح ..  
بيرفرف بس حلاوة روح

\*\*\*

## اشبعى بيه

بتحبيه؟ ..

اشبعى بيه

مش مصدوم ..

ولانش بتعذب

كله بيخدع .. كله بيكذب

وقليل جدا ..

الى بيوفى .. ويظمر فيه؟!!

\*\*\*

حب سنين فى ثوانى بيروح

شئ مش عادى ..

لكن مسموح

واحنا ف دنيا ..

مهياش جنتا

فيها الجارح ..

والمجروح

\*\*\*

بتحبيه ..

اشبعى بيه

\*\*\*

درسك قاسى

لكن بيعلم

واللى يعيش

ياما بيتعلم

أنا بصراحتا ..

أكيد بتالم

لكن وجعى لازم أخيه

\*\*\*

بتحبيه .. اشبعى بيه!!

\*\*\*

## هوه دا عيبك

غاوى تضيع اللي ف إيدك

وأما يضيع..

ترجع تبكى وتشكى نصيبك

هوه دا عيبك

مبتعرفشى قيمة الحاجة

غير لما تكون ف إيدين غيرك

\*\*\*

عمال تكتبلى ف أشعار

كلها حرقة وغيره وناز

كنت معاك ليل ويا نهار

بس إنت مجتشي ف مواعيدك

هوه دا عيبك

مبتعرفشى قيمة الحاجة

غير لَمَا تكون

ف إيدين غيرك

\*\*\*

حطيت بيننا مليون سور

هوه غرورك

وأنا مش ناقص

تانى غرور

روح وانسانى

كل دموعك مش هتفيدك

هوه دا عيبك

مبتعرفشى قيمة الحاجة

غير لَمَا تكون

ف إيدين غيرك!

\*\*\*

## معجزة إحساس

مفیش غیرك أنتی جوايا  
ولو حوائی كل الناس  
دا حبك معجزة إحساس  
لا له بدايتا ولا نهايتا

\*\*\*

مفیش غیرك انتی ساكنی ..  
وجننی .. وكل دقيقة ..  
يحييني .. ويقتلني  
دا حبك معجزة إحساس  
بيكبر مهما تظلمني

\*\*\*

وياما شوفت .. ياما قریت  
لكن زيک أنا مالاقيت ..

ولا قبلك أنا حسيت ..  
دا حبك معجزة إحساس  
وأكبرم اللى أنا اتمنيت!

\*\*\*

## مرآية القلب مكسورة ..

مرآية القلب مكسورة

وتايهتا الروح ..

ما بين الأصل والصورة

عيونى ملت البهتان

ونفسى ملت الأحزان

وجوايا بقايا إنسان

ملامحه تايهه ف الصورة

\*\*\*

ويا ما دورت على نفسى ..

ولا مرة لاقيت نفسى ..

ويوم ما قابلتها صدفت

أخذت ليها كام صورة!

\*\*\*



أنا مين .. وانت مين .. وإزاي  
هنتلاقى تانى .. ولا خلاص؟  
معدشى بينا غير تذكارة ..  
باهت ؛ وبقايا م الإحساس!

\*\*\*

## خروج آمن

بدور عن خروج آمن

ميجر حكيش ..

ولا يسيب جوه قلبى مرار

مبسألشى مين الخاين

خلاص بقى كل شىء باين

معنتش تانى تتآمن

معدشى ف جنتك غير نار

\*\*\*

خلاص اقل ورايا الباب

ولا أحباب ولا أصحاب

دنا حسيت معاك غربت

متتحسس مع الأعراب

\*\*\*

رجوعنا مش رجوع خالص

كان فراقنا كان أجمل!

كان أنت واحد تانى ..

وبقى م الصعب .. أتحمل

\*\*\*

مبسألشى مين الخاين؟

خلاص بقى كل شىء باين

معنتش تانى تتآمن

معدشى ف جنتك غير نار

\*\*\*



## المؤلف فى سطور

- الشاعر / وائل عبدالسلام العجوانى الشهير ب وائل العجوانى .. من مواليد 27 أبريل عام 1975 - فى قرية كفر كلا الباب - مركز السنطة - محافظة الغربية - جمهورية مصر العربية
- حصل على ليسانس الآداب فى اللغة العربية وآدابها بتقدير جيد من جامعة طنطا عام 1997
- أصدر ديوانه الأول (أحبك إلى مالا نهاية) عام 1998 عن دار سلمى للطبع والنشر
- فى العام 2016 - فاز بجائزة مؤسسة الجبالى فى الشعر وتم تكريمه باصدار ديوان (شتم أم أيتيم) واقامة صالون أدبى يحمل إسمه
- فى العام 2017 - فاز بجائزة مهرجان همسه الدولى فازت قصيدته (موناليزا الروح) بالمركز الثالث على مستوى الوطن العربى
- فى العام 2018 - أصدر أغانى بالعامية المصرية جزء أول بعنوان (هى دى مصر)

بتولد من تانى \_\_\_\_\_ وائل العجواني

- فى العام 2019 - أصدر ديوان ( قصائد حب ) ونحن الحب ياعمري .. عن دار آفتار للطباعة والنشر

- فى العام 2019 - أصدر ديوان ( رحم الحقيقة ) عن دار آفتار للطباعة والنشر

- وأخيرا الكتاب الذى بين يدينا بعنوان ( بتولد من تانى ) وهو عبارة عن أغانى بالعامية المصرية - وهو من إصدارات دار آفتار للطباعة والنشر أيضا لنفس العام 2019

- يكتب الشاعر فى الدوريات والصحف الالكترونية والورقية وعلى موقع جوجل وفيس بوك

للتواصل موبايل وواتس / 01204422695

/ 01008542081 / تليفون أرضى رقم 0404369222

## فہرست المحتویات

5	الإهداء .....
7	بتولد من تانى .....
9	جوہ بعض .....
11	ع المبدأ .....
13	ضمیری مرتاح .....
16	عشرة سنين .....
18	دايرة الحيرة .....
20	شنطة ذكرياتي .....
23	قلبي ولا قلبك؟! .....
25	حاجات حلوة .....
27	قبل ما تطفى النور وتنامى .....
29	صورتك .....
31	حقيقتي .....
32	ليلتين .....
34	قبل ما أمشى .....

36	..... إوعى تحن ليها
38	..... صوتها
40	..... أيه تساوى الدنيا ديّ؟
42	..... فيكى حاجة
44	..... استنى
47	..... طريق مسدود
50	..... أنانى
52	..... أموره
54	..... لَمِسْتِك
55	..... ليلة واحدة
57	..... أكبر وجمع
59	..... أنا عاذرك
61	..... هاى .. باى .. باى
63	..... الذكريات
65	..... اسمى من اسمك
68	..... ساعات
70	..... تريقة



- 72 ..... ياريت ينفع؟
- 74 ..... مجاش على خاطرک؟
- 76 ..... عملاها زعلة
- 78 ..... صورة ف خيالنا
- 80 ..... تجاهل حتى ذاتک!
- 81 ..... ترانزيت
- 83 ..... سكالانس
- 85 ..... أنا عايشک
- 88 ..... حبک حياة
- 90 ..... سفر
- 92 ..... قلبی بيموت بالبطيء
- 94 ..... تتخلى عنى؟!
- 96 ..... بحن إلیک
- 98 ..... مسیرک يوم
- 100 ..... ملّیت
- 102 ..... مین قووی قلبک؟!
- 104 ..... أنا مصمم على النسيان

106	.....	مش بأمرك
108	.....	فوق العادة
110	.....	زى ما بتقوللى
112	.....	على قيد الحياة
113	.....	ع الواحدة
115	.....	قصة حبنا
117	.....	جرحتك
119	.....	حواديت
121	.....	حبايينا؟!!
123	.....	فى عنينا.
125	.....	الحب الصعب
126	.....	خد حظك م الدنيا ..
128	.....	فواتير
130	.....	وشوش
134	.....	واحد + واحد
136	.....	سجن كبير
138	.....	تعالب وديابة

140	.....	المصلحية
142	.....	تلات بنات
144	.....	سيجارة
146	.....	الشيخ على
148	.....	الفيس واصحابه
151	.....	أنا مقبلش ..
154	.....	تستاهل التحية
157	.....	ثابت وجودك
160	.....	الله أكبر ..
164	.....	إوعى تقول مسلم!!
166	.....	المجذوب
168	.....	زهرة الصبَّار
170	.....	من غيرك!
172	.....	ياسلام .. ياسلام!!
175	.....	دورع الإنسان
177	.....	بين اللحظة والثانية
179	.....	مش من يومين ..

182	متعقدهاش ..
184	فى غمضة عين
185	بنت حلوة
187	ما تياسسى
189	مش أى قلب
191	نعمة من القدر
193	حاجة صغيرة
194	لحظة غروب
196	لولاك ..
198	حياة أو موت
200	سابع أرض
202	معانى الحب
204	خلينا أصحاب
206	إنسانى
208	حلاوة روح
210	اشبعى بيه
212	هوه دا عيبك

214	.....	معجزة إحساس
216	.....	مرآة القلب مكسورة ..
218	.....	خروج آمن
221	.....	المؤلف في سطور